



01. oktober 2019

UKA2019/141

Uunga siunnersuut: Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat nr. xx, xx. xxx 2019-imeersoq.

(Aleqa Hammond, Nunatta Qitornai)

Namminersorlutik Oqartussat tapiissutitalimmik inissialiortiternermut politikkiata torrallatap qulakkeerpaq ullumikkut innuttaasut akiliisinnaassuseqarnerumaat periarfissinneqarmata namminerisamik sanaartornikkut naliginnaasumik inissarsiortut allattorsimaffianik appartitsineq.

Tapiissutitalinnik sanaartornerup nassataraa innuttaasunut namminerisamik akisussaaffigisaminnik aserfallattaaliineq, isumaginninneq aammalu aningaasalersuineq ingerlatarilermassuk aammalu pisortanit aningaasaliinikkut pisortanit akimut ataatsimut isigalugu sulii amerlanerusut ineqarsinnaanerannik qulakkeerinimmatt.

Maannakkut aqqissuussinerup taassuma amerlanerusunit atuutilersinneqarnissaanut siunnersuuteqarneq ilassilluarnaqaaq.

Isertitat sumilu najugaqarneq apeqqutaatillugit inissiamik nammineerluni pigisassamik pissarsisinaanermut periarfissat assigiinngitsorujussuupput. Periarfissat ajornarpallaartut aammalu assigiinngisitsivallaartut qaangerniarlugit siunnersuut una aqqutissiuussivoq. Aqutsineq paasiuminarnerusoq, suliat paatsuugananginnerusut, akilersueriaatsillu eqaannerusut minnerunngitsumillu tapiissuteqarluni inissialiortitersimanermut tunisisoqassatillugu iluanaarutiginiarneqarsinnaaneratt pakkersimaarneqalernianera naapertuilluarnerusumik tunngaviliiniarneq assorsuaq iluarisimaarnarpoq.

Tapiissutitalinnik inissialiortiluni tapiissuteqareersimasut siunissami allannguuteqarfigineqartussanngorput minnerunngitsumillu siunissami tapiissutitalimmik inissialiortiarnermi piumasaqaatit allanngortussanngorput. Maannakkut misilittagaareersut ilinniarfigalugit tulluarsaasoqarnialerpoq, tamannalu aamma inatsisartut sanaartornermut ataatsimiititaliaanit sanaqateqarluni illulianut taarsigassarsititsisarneq pillugu UKA2018-mi ataatsimiinnermit isumaliutissiissutikkut suliakkiutaata malitsigaa.

Naalakkersuisut suligasuarsimanerat nersualaarutigiumavarput aqqissuussinerullu allannguuteqarfigineqarnerani amerlanerit siammassinnerusumillu ineqalernissaanut aqqutissiuussiniarnerat tusarluarnaqaaq.

Sanaartornermut ataatsimiititaliap sulilluarnissaanik kissaapparput.